

BOSNIA AND HERCEGOVINA
FEDERATION OF BOSNIA AND HERZEGOVINA
FEDERAL ADMINISTRATION OF CIVIL PROTECTION

Broj: 08-14/33-151-17/15
Sarajevo, 30.06.2015. godine

Na osnovu člana 100. stav (3) Zakona o javnim nabavkama Bosne i Hercegovine („Službeni glasnik BiH“, broj 39/14), direktor Federalne uprave civilne zaštite donosi:

O D L U K U

1. Usvaja se žalba ponuđača Triglav Osiguranje d.d. Sarajevo, uložena na odluku o izboru najpovoljnijeg ponuđača za Lot 1 i Lot 2 u otvorenom postupku javne nabavke usluga, broj nabavke: 08-14/33-151-1/15 od 30.03.2015. godine, koji je objavljen na portalu javnih nabavki (broj obavještenja: 1095-1-2-57-3-6/15) i „Službenom glasniku BiH“, broj 34/15 od 27.05.2015. godine.
2. Poništava se Odluka o izboru najpovoljnijeg ponuđača za nabavku usluga za Lot 1 - osiguranje od autoodgovornosti uključujući osiguranje putnika i osiguranje od loma stakla uz pružanje usluga tehničkog pregleda i registracije vozila Federalne uprave civilne zaštite i vozila Federalnog štaba civilne zaštite, ful kasko osiguranje za 8 vozila, broj: 08-14/33-151-14/15 od 22.06.2015. godine, i Odluka o izboru najpovoljnijeg ponuđača za nabavku usluga za Lot 2 - osiguranje lica (svi zaposleni u Federalnoj upravi civilne zaštite uključujući deminare i treća lica), osiguranje mašina, pasa, objekata i opreme Federalne uprave civilne zaštite i osiguranje od opće odgovornosti iz djelatnosti za štete pričinjene prema trećim licima, broj: 08-14/33-151-13/15 od 22.06.2015. godine.
3. Poništava se postupak javne nabavke usluga - osiguranje od autoodgovornosti uključujući osiguranje putnika i osiguranje od loma stakla uz pružanje usluga tehničkog pregleda i registracije vozila Federalne uprave civilne zaštite i vozila Federalnog štaba civilne zaštite, ful kasko osiguranje za 8 vozila, osiguranje lica (svi zaposleni u Federalnoj upravi civilne zaštite uključujući deminare i treća lica), osiguranje mašina, pasa, objekata i opreme Federalne uprave civilne zaštite i osiguranje od opće odgovornosti iz djelatnosti za štete pričinjene prema trećim licima, broj: 08-14/33-151-1/15 od 30.03.2015. godine.

O b r a z l o ž e n j e

U postupku javne nabavke usluga - osiguranje od autoodgovornosti uključujući osiguranje putnika i osiguranje od loma stakla uz pružanje usluga tehničkog pregleda i registracije vozila Federalne uprave civilne zaštite i vozila Federalnog štaba civilne zaštite, ful kasko osiguranje za 8 vozila, osiguranje lica (svi zaposleni u Federalnoj upravi civilne zaštite uključujući deminare i treća lica), osiguranje mašina, pasa, objekata i opreme Federalne uprave civilne zaštite i osiguranje od opće odgovornosti iz djelatnosti za štete pričinjene prema trećim licima, ukupno su pristigle 3 (tri) ponude za Lot 1 i Lot 2 i to od ponuđača Triglav Osiguranje d.d. Sarajevo (Konzorcij Triglav Osiguranje d.d. i Bosna-Sunce Osiguranje d.d.), DD za osiguranje "VGT" Visoko i SARAJEVO OSIGURANJE d.d. Sarajevo.

Razmatrajući pristigle ponude ugovorni organ je kao najpovoljniju ponudu za Lot 1 i Lot 2 izabrao ponudu ponuđača SARAJEVO OSIGURANJE d.d. Sarajevo, ujedno svojim odlukama broj: 08-14/33-151-14/15 od 22.06.2015.godine i broj: 08-14/33-151-13/15 od 22.06.2015.godine, navedenom ponuđaču dodjelio okvirni sporazum na 3 (tri) godine. Na navedene odluke, a nakon uvida u ponude koji je obavljen dana 24.06.2015. godine, ponuđač Triglav Osiguranje d.d. Sarajevo, je dana 29.06.2015. godine, uložio žalbu broj: 08-8631/15 od 24.06.2015. godine.

Cijeneći odredbe člana 100. stav (3) Zakona o javnim nabavkama Bosne i Hercegovine i odredbe člana 236. ZUP-a, utvrđeno je da je žalba blagovremena, dopuštena i izjavljena od ovlaštenog lica.

U žalbi ponuđača Triglav Osiguranje d.d. Sarajevo navodi se sljedeće:

1. U pogledu ekonomske i finansijske sposobnosti, prateći zahtjev tenderske dokumentacije, u slučaju dostave ponude kao grupe ponuđača, svaki član grupe bio je dužan dostaviti izjavu (izjava o ukupnom prometu), ali ne i potvrdu nadležne agencije o rješavanju i isplati odštetnih zahtjeva, jer se tako navodi u tenderskoj dokumentaciji, te smo svjesno i savjesno dostavili istu samo ispred lidera grupe, a na osnovu čega nas je ugovorni organ diskvalifikovao iz postupka.

2. SARAJEVO OSIGURANJE d.d. Sarajevo, u svojoj ponudi potpuno je izostavio da dostavi izjavu o ukupnom prometu i o prometu u segmentu poslovanja koji je predmet ugovora za period ne duži od posljednje tri godine.

3. SARAJEVO OSIGURANJE d.d. Sarajevo, u svojoj ponudi dostavio je potvrdu od agencije o rješavanju i isplati odštetnih zahtjeva iz predmetnog osiguranja, samo za 2014. godinu.

4. SARAJEVO OSIGURANJE d.d. Sarajevo, dostavilo je nekoliko potvrda koje se odnose na realizaciju ugovora za samo jednu vrstu osiguranja, a što je u suprotnosti sa zahtjevom utvrđenim tačkom 13.3. na strani 16. tenderske dokumentacije, koji su ugovorni organ zahtjevao: uredno izvršeno najmanje deset ugovora u predhodne dvije godine (2013. i 2014. godini) čiji su karakter i kompleksnost slični onima koji se odnose na predmetnu nabavku, u iznosu od najmanje 100.000,00 KM vrijednosti po ugovoru, obzirom da predmet nabavke nije samo jedna vrsta osiguranja nego usluge osiguranja motornih vozila, lica i imovine.

Nakon razmatranja navoda žalbe i ponovne analize prispjelih ponuda, ugovorni organ je zaključio da je prigovor djelimično osnovan iz sljedećih razloga:

1. Navodi iz tačke 1. obrazloženja ove odluke ponuđača Triglav Osiguranje d.d. Sarajevo, se odbacuju kao neosnovani iz razloga što su ponuđači u okviru uslova u pogledu ekonomske i finansijske sposobnosti (član 47. ZJN) tačka 13.2. strana 16. tenderske dokumentacije, bili dužni dostaviti tražene dokumente utvrđene pod a) i b) navedene tačke 13.2. tenderske dokumentacije (kao neovjerene kopije koje nemogu biti strije od tri mjeseca), zajedno sa Izjavom o ispunjenosti uslova iz člana 47. stav (1) tač. b) i d) i (4) ZJN – koja je u prilogu V/2 tenderske dokumentacije. Pored toga, u skladu sa navedenom tačkom 13.2. tenderske dokumentacije, utvrđeno je da ukoliko ponudu dostavlja grupa ponuđača, svaki član grupe dužan je dostaviti ovjerenu izjavu. Prema tome, u ponudi ponuđeča Triglav Osiguranje d.d. Sarajevo, Bosna-Sunce Osiguranje d.d. Sarajevo kao član grupe ponuđača, bio je dužan zajedno sa izjavom dostaviti i dokumente utvrđene pod a) i b) navedene tačke 13.2. tenderske dokumentacije.

2. Navodi iz tačke 2. obrazloženja ove odluke ponuđača Triglav Osiguranje d.d. Sarajevo, koji se odnose na izjavu SARAJEVO OSIGURANJA d.d. Sarajevo o ukupnom prometu i o prometu u segmentu poslovanja koji je predmet ugovora za period ne duži od posljednje tri godine, odbacuju su kao neosnovani iz razloga što je navedeni ponuđač dostavio traženu izjavu broj 01-962/15 od 03.06.2015. ovjerenu od nadležnog organa (OPU-OV: 977/2015 od 04.06.2016. godine).

3. Navodi iz tačke 3. obrazloženja ove odluke ponuđača Triglav Osiguranje d.d. Sarajevo, koji se odnose na dostavljanje potvrde ponuđača SARAJEVO OSIGURANJE d.d. Sarajevo od nadležne agencije o rješavanju i isplati odštetnih zahtjeva samo za 2014. godinu, prihvataju se kao osnovani jer ova potvrda nije obuhvatila period od posljednje dvije godine.

4. Navodi iz tačke 4. obrazloženja ove odluke ponuđača Triglav Osiguranje d.d. Sarajevo, koji se odnose na dostavljanje nekoliko potvrda ponuđača SARAJEVO OSIGURANJE d.d. Sarajevo koje se odnose na realizaciju ugovora za samo jednu vrstu osiguranja, odbacuju su kao neosnovani iz razloga što je navedeni ponuđač dostavio spisak najmanje deset uredno izvršenih ugovora predmetnog osiguranja u posljednje dvije godine (uz potvrde o njihovoj realizaciji), čiji karakter i kompleksnost su slični onima koji se odnose na predmetnu nabavku usluga (osiguranje od autoodgovornosti, ful kasko osiguranje, osiguranje lica uključujući deminere, osiguranje mašina, osiguranje pasa, osiguranje objekata), a što je u skladu sa traženim uslovima u pogledu tehničke i profesionalne sposobnosti ponuđača koji su utvrđeni tačkom 13.3. na strani 16. tenderske dokumentacije.

Shodno naprijed navedenom, ponuđači Triglav Osiguranje d.d. Sarajevo i SARAJEVO OSIGURANJE d.d. Sarajevo nisu kvalificirani ponuđači, pa se shodno odredbi člana 100. stav (3), a u vezi sa članom 70. stav (4) Zakona o javnim nabavkama Bosne i Hercegovine, odluke o izboru najpovoljnijeg ponuđača za Lot 1 i Lot 2 i postupak predmetne javne nabavke poništava.

Na osnovu navedenog odlučeno je kao u dispozitivu ove odluke

Protiv ove odluke može se izjaviti žalba Uredu za razmatranje žalbi putem ugovornog organa u skladu sa članom 100. stav (4) Zakona o javnim nabavkama Bosne i Hercegovine, u roku od pet dana od dana prijema ove odluke.

DOSTAVLJENO:

1. Ponuđačima,
2. Tenderski dosije,
3. a/a.

